



**Naustdal-Gjengedal
verneområdestyre**

Postadresse
Naustdal-Gjengedal
verneområdestyre
Njøsavegen 2
6863 Leikanger

Besøksadresse
Sandane Næringshage
Sandane Senter, 3. etasje
6823 Sandane

Kontakt
Sentralbord: +47 57 64 30 00
Direkte: +47 5764 3138
sfvlpost@statsforvalteren.no
fmvlpost@fylkesmannen.no
www.nasjonalparkstyre.no/Naustdal-
Gjengedal

Torgeir Arne Herstad
Tunavegen 28
6817 Naustdal

Sakshandsamar Alf Erik Røyrvik

Vår ref. 2020/2806-0 432.2

Dykkar ref.

Dato 01.04.2022

Vedtak Naustdal-Gjengedal LVO - Søknad om å få køyre kjentmannstur i april 2022 - Naustdal Røde Kors Hjelpekorps

Vedtak

Naustdal-Gjengedal verneområdestyre avslår søknaden om å køyre kjentmannstur til Longevasshytta etter 1.april.

Klage

Vedtaket kan klagast på av alle partar og andre med rettsleg klageadgang, jamfør forvaltningslova kap VI. Klagefristen er tre veker og ei eventuell klage skal stilast til styret. Det er Miljødirektoratet som er klageinstans.

Med helsing

Karoline Bjerkeset
styreleiar

Alf Erik Røyrvik
verneområdeforvaltar

Dokumentet er elektronisk godkjent



Innstilling frå forvaltar

Naustdal-Gjengedal verneområdestyre avslår søknaden om å køyre kjentmannstur til Longevasshytta etter 1.april.

Saksutgreiing

Dokument i saka:

- Søknad om å få køyre sein kjentmannstur i april frå Naustdal RKH
- Gjeldande løyve for kjentmannskøyring
- Øvingsplan for Naustdal RKH
- E-post frå politiet

Bakgrunn

Naustdal Røde Kors Hjelpekorps (NRKH) har løyve til å drive kjentmannskøyring i tråd med øvingsplan, i åra 2020-2023. Eit av vilkåra der er at turen Vonavatnet - Longevasshytta ikkje skal køyrast etter 1.april, av omsyn til villrein. I år er det sein påske, og palmesøndag er 10.april. Då skal Indre Sunnfjord turlag arrangere den tradisjonsrike turen frå Årdal i Jølster til Nes i Naustdal som i stor grad følgjer den traseen der NRKH har kjentmannstur.

Søknaden

Naustdal Røde Kors Hjelpekorps søker om å få køyre kjentmannsturen til Longevasshytta i veke 14 (4.-10.april) no i 2022. Dette for å gjere seg kjend med snø- og isforhold so tett som råd opp mot turlagsturen, som kan ha opp mot 150-200 deltakarar. Politiet har godkjent at kjentmannsturen kan køyrast fram mot palmesøndag i dei åra palmehelga er i april.

Regelverk

Regelverket og heimelsgrunnlaget for kjentmannskøyringa er greia ut tidlegare i samband med det opphavslege løyvet som ligg vedlagt. Det vil vere det same no.

Vurdering

Dei overordna vurderingane kring løyve til kjentmannskøyring og vurderingar kring verknad på naturmiljøet er vurdert i det opphavslege løyvet (sjå vedlagt løyve). Her må vi fokusere på det som gjeld denne søknaden, om det skal opnast for å køyre kjentmannstur i april no i 2022.



Behovet for kjentmannskjøring og ønske om å kjøre den so tett opp mot turlagstur som mogeleg er forståeleg og rimeleg. Om det er strengt naudsynt å kjøre kjentmannsturen til dømes 9.april i staden for 10 dagar tidlegare er ei vanskeleg vurdering. Det kjem mellom anna an på veret dei dagane.

Vilkåret om å ikkje tillate kjentmannskjøring etter 1.april er sett av omsyn til villrein. Villreinstamma i Førdefjella har tidlegare nytta dalføret som traseen går i, som kalvingsområde. Det er ein del år sidan. Siste tida har reinsflokken stått lenger nord, i området Jardalen – Søreide. Det er ikkje forventa at reinen skal trekke so langt sør som til Vona no i april, men det er slikt man aldri kan vite sikkert.

Argument FOR å tillate kjentmannstur i april:

- Politiet har godkjent det.
- Det er ikkje forventa at reinen skal trekke so langt sør no før påska 2022.
- Ønske om å ha kjentmannstur so tett opp mot Årdal-Nes-turen er rimeleg og forståeleg.

Argument MOT å tillate kjentmannstur i april:

- Verneområdestyret har tidlegare signalisert ein streng praksis og ikkje opna for snøskuterkjøring i/ved kalvingsområde etter 1.april.
- Ein dispensasjon her vil til dels vere ei utholing av styret sitt eige vedtak frå 2020.
- Ein kjentmannstur i slutten av mars (i tråd med gjeldande løyve) vil og kunne gje mykje informasjon og kunnskap om is- og snøforhold langs traseen.
- Siste åra har vi sett fleire døme på at både DNT og samfunnet elles tek grep og justerer aktiviteten sin for å skåne villreinen sine funksjonsområde.
- Presedens.

Dette er eit spørsmål og ei sak som ikkje har noko enkelt og openbart svar. Eg finn likevel at argumenta mot å gje løyve veg noko tyngre enn argumenta for å gje løyve. Og då særleg med tanke på forvaltningspraksisen styret har lagt seg på tidlegare og den presedensen som ein dispensasjon her vil skape.

Kopi til:

Sunnfjord kommune
Statsforvaltaren i Vestland

Postboks 338
Njøsavegen 2

6802
6863

FØRDE
LEIKANGER